

სამეცნიერო ჟურნალში სტატიების შესრულების, გაფორმების და წარმოდგენის წესი

სამეცნიერო ჟურნალის მიზანია ჰუმანიტარული, საბუნებისმეტყველო, სოციალური და საინჟინრო მეცნიერებების ყველა დარგში მოღვაწე აკადემიური/მოწვეული პერსონალის, დოქტორის/მასთან გათანაბრებული აკადემიური ხარისხის მქონე პირის, დოქტორანტის, მიღწევების პოპულარიზაცია.

სტატიის მიღების წინაპირობა: ავტორი უნდა იყოს დოქტორი/მასთან გათანაბრებული აკადემიური ხარისხის მქონე პირი, დოქტორანტი ან მაგისტრი/მაგისტრანტი. სტატიის დაბეჭდვის მსურველმა რეგისტრაციის გავლის მიზნით, უნდა წარმოადგინოს განაცხადი ელექტრონულად, სტატიაში დაცული უნდა იყოს გამოყენებული წყაროს დამოწმების სტილი და სტატიის წარმოდგენის წესი. სარედაქციო კოლეგია განიხილავს ნაშრომს, რომელიც გაფორმებულია „სამეცნიერო ჟურნალში სტატიების შესრულების, გაფორმების და წარმოდგენის წესის“ შესაბამისად.

გამოსაქვეყნებელი ნაშრომი გაგზავნილი უნდა იქნას ელექტრონული სახით მითითებულ მისამართზე: სამხედრო თემატიკაზე შესრულებული სტატია - milstata@eta.edu.ge -ზე. სამოქალაქო თემატიკაზე შესრულებული სტატია - statia@eta.edu.ge -ზე. აპლიკანტმა ნაშრომის გაგზავნასთან ერთად უნდა მიუთითოს იმ ჟურნალის დასახელება რომელშიც აპირებს სტატიის გამოქვეყნებას.

მოთხოვნები სამეცნიერო ნაშრომის გასაფორმებლად

სტატიის აკრეფისას გამოიყენეთ მხოლოდ უნიკოდური ფონტი. ქართული ტექსტისთვის გამოიყენეთ Sylfaen ფონტი, ხოლო სხვა ენისთვის Times New Roman.

სტატიის წარმოდგენის წესი: სტატიის ენა - ქართული და ინგლისური; ფურცლის ზომა A4; მინდორი: ყველა მხრიდან 2.5; გვერდების რაოდენობა - 8-15;

სტატიის ტექსტის ფორმატი:

სტატიის სახელწოდება - ცენტრში(Center), გამუქებული (Bold), შრიფტის ზომა -14, შესრულებული უნდა იყოს ორ ენაზე: ქართული და ინგლისური (სავალდებულოა);

ავტორის სახელი, გვარი - ცენტრში, გამუქებული, (Bold), შრიფტის ზომა 12, შესრულებული უნდა იყოს ორ ენაზე: ქართული და ინგლისური (სავალდებულოა);

ავტორის/ავტორების: ორგანიზაცია/ სასწავლო დაწესებულება - ცენტრში, შრიფტის ზომა 12, შესრულებული უნდა იყოს ორ ენაზე: ქართული და ინგლისური (სავალდებულოა);

ავტორის/ავტორების: ავლირება/თანამდებობა/მაგისტრანტი/დოქტორანტი - ცენტრში, შრიფტის ზომა 12, შესრულებული უნდა იყოს ორ ენაზე: ქართული და ინგლისური (სავალდებულოა);

ავტორის/ავტორების: სამეცნიერო წოდება და ხარისხი - ცენტრში, შრიფტის ზომა 12, შესრულებული უნდა იყოს ორ ენაზე: ქართული და ინგლისური (სავალდებულოა).

აბსტრაქტის შესრულების წესი:

აბსტრაქტი - ცენტრში, გამუქებული, შრიფტის ზომა 12, შესრულებული უნდა იყოს ორ ენაზე: ქართული და ინგლისური (სავალდებულოა).

აბსტრაქტის ტექსტი - გათანაბრებული (justify/ Ctrl+J), შრიფტის ზომა 10; სტრიქონებს შორის მანძილი -1, აბზაცებს შორის მანძილი-0 (Paragraph, After 0), აბზაცის ყველა ხაზი უნდა იყოს თანაბრად დაშორებული მარჯვენა ველიდან. თითოეული აბზაცის პირველი სტრიქონი უნდა იყოს შეწეული (5 პოზიციით). აბსტრაქტის ტექსტის მოცულობა უნდა იყოს 200-500 სიტყვა. შესრულებული უნდა იყოს ორ ენაზე: ქართული და ინგლისური (სავალდებულოა).

უცხოელ ავტორებს არ ევალებათ ქართულენოვანი აბსტრაქტის გამოგზავნა.

საკვანძო სიტყვები - (მინიმუმ 5 სიტყვა/სიტყვათა კომბინაცია) უნდა იყოს ორ ენაზე: ქართული და ინგლისური (სავალდებულოა).

სტატიის ტექსტი - გათანაბრებული (Justify/Ctrl+J), შრიფტის ზომა 12; სტრიქონებს შორის მანძილი -1,5; აბზაცებს შორის მანძილი - 0(Paragraph, After 0). აბზაცის ყველა ხაზი უნდა იყოს თანაბრად დაშორებული მარჯვენა ველიდან. თითოეული აბზაცის პირველი სტრიქონი უნდა იყოს შეწეული (5 პოზიციით).

გამოყენებული ლიტერატურა უნდა განთავსდეს ახალ გვერდზე, ცენტრში, გამუქებული, შრიფტის ზომა - 12.

სტატიის სტრუქტურა უნდა მოიცავდეს შემდეგ ნაწილებს:

შესავალი - თემის არეალი და მნიშვნელობა, ნაშრომის აქტუალობა, მკითხველისთვის საკითხის გაცნობა, აღნიშნულ თემაზე ჩატარებული კვლევების ანალიზი/- მიმოხილვა და საკუთარი ჰიპოთეზის ჩამოყალიბება.

ამ თავში განხილული უნდა იყოს თუ, რატომ არის მკითხველისთვის ნაშრომი ღირებული მეცნიერული კუთხით.

ძირითადი ნაწილი მოიცავს კვლევის მეთოდოლოგიას და მიღებულ შედეგებს;

დასკვნითი ნაწილი მოიცავს მიგნებებს, შესაძლო რეკომენდაციებსა და სამომავლო პერსპექტივებს.

გამოყენებული ლიტერატურის ნუსხა, ბიბლიოგრაფიაში აღნუსხული ლიტერატურა არ ინომრება და არ ინიშნება, ჩამონათვალი უნდა დალაგდეს ანბანური თანმიმდევრობით ავტორების (ასეთის არარსებობის შემთხვევაში, სათაურის) გვარების მიხედვით, ჯერ ქართული, შემდეგ უცხოური გამოცემები. ბიბლიოგრაფიული

მონაცემები არ ითარგმნება და წყარო მოწმდება დედნის ენაზე. მაგალითად, ინგლისურენოვან წყაროებს მითითება ხდება ინგლისურ ენაზე.

სქოლიო:

სქოლიო თავსდება სტატიის ტექსტში გვერდების ბოლოს. შესაძლებელია ჩანდეს როგორც სტატიის ტექსტში ციტირებული და პერიფრაზებული წყარო (ლიტერატურა, ნორმატიული მასალა, სასამართლო პრაქტიკა), რომელიც ინომრება ციფრებით (შრიფტის ზომა-10), ასევე, ავტორისეული შენიშვნები (განმარტებები), აღინიშნება ფიფქით * და შესაბამისად, არ ინომრება.

წყაროს მითითება უნდა გაკეთდეს არაბული ნუმერაციით სქოლიოს (footnote) სახით. (ციტირებების მოსანიშნად ვიყენებთ არაბულ რიცხვებს, რეფერირების დასამატებლად წინადადების ბოლოს, სასვენი ნიშნის შემდეგ გავდივართ References მენიუში და ვაჭერთ Insert Footnote).

ტექსტში მოცემულ სქოლიოს უნდა უსწრებდეს ჩამკეტი სასვენი ნიშანი (წერილი, ძახილის ნიშანი, კითხვის ნიშანი). სასვენ ნიშნამდე სქოლიოს გამოყენება დასაშვებია ცალკეული სიტყვის ან ტერმინის განმარტების მიზნით;

ცხრილები, დიაგრამები:

ნაშრომში ცხრილები, დიაგრამები და სხვა ვიზუალური მასალა წარმოდგენილი უნდა იყოს: ცენტრში, TIFF, PNG, JPEG-ფორმატებში, დასათაურება უნდა განთავსდეს ცხრილის/დიაგრამის და სხვა, გამოსახულების ქვემოთ შრიფტის ზომა 8.

შენიშვნა: უფრო დაწვრილებითი ინსტრუქცია ნაშრომის შესრულების სტანდარტთან დაკავშირებით ეწვიეთ ეროვნული თავდაცვის აკადემიის ვებ-გვერდს www.eta.edu.ge

გაითვალისწინეთ:

1. ჟურნალში დასაბეჭდად გამოგზავნილი ყველა სტატია გაივლის შემოწმებას პლაგიატის აღმომჩენ პროგრამაზე „turnitin“. ნაშრომი, ფასდება დადებითად თუ: მსგავსების კოეფიციენტი არ აღემატება 10 %-ს;
2. ჟურნალში დასაბეჭდად გამოგზავნილი სტატია გაივლის ორეტაპიან ფარულ რეცენზიას დარგის ექსპერტებთან. ექსპერტთა დასკვნებს შორის სხვაობის შემთხვევაში, სტატია შესაფასებლად გადაეგზავნება მესამე რეცენზენტს. სტატიები დაიბეჭდება დადებითი რეცენზიის მიღების შემთხვევაში. სტატიაში გამოთქმულ მოსაზრებებზე პასუხისმგებელი იქნება სტატიის ავტორი/ავტორები.